

四庫全書

史部

欽定四庫全書

史部

欽定南巡盛典卷十

詳校官國子監學正臣常循

欽定四庫全書

欽定南巡盛典卷十目錄

天章十

乾隆二十七年

御製古今體詩

欽定四庫全書

欽定南巡盛典卷十

夫章 壬午 江南 山東 直隸

詩

迴避至蘇州

迴避至蘇州對門泊御舟郡城徐按轡仄巷不鳴騶接踵摩肩衆授衣足食謀萬民親切意兩日得因留

支道卷

支公當日此肥遁刻石為龕隱翠校却是無能遁後世
至今卷尚以支稱

出閭門遊寒山即景二首

清曉出閭門輕陰涼變暄迤來將雨意

南方涼則雨暖則晴北方暖則

雨涼則晴風氣之異有如此者慮致礙春溫

江南今歲春寒甚長恐致傷農為切切念之

麥

葉秀含潤菜花黃較繁將興耕作矣愛聽上農論

鳴鞭度慶橋別墅見山椒小憩支公閣旋憑趙隱寮竹
虛原自密花冶却非妖欲暢青蓮想法螺喜不遙

澄懷堂

別墅多佳號澄懷我所題飛魚峽之上瀑布間猶西游
目樂山水甄心悟莞俛無能斯久坐苑外馬聲嘶

蓉泉

泉以峰名峰俯泉春風翠蹕小流連清暉表裏欣相映
一朵芙蓉上下鮮

清暉樓

寒山別墅裏高閣曰清暉足日重來賞春光正入微含

漪訝波立落影認峰飛那更因天繪勞勞辨是非

戲題馳煙驛

馳煙驛路見孔德璋山山移文宦光所以命名也
前屢有詩今見石上刻驛為嶧命更正之並戲成
是什

驛路馳煙移草堂千秋結想有宦光何人泐石稱博古
不見孤桐曰嶧陽

法螺寺

竹逕通幽竺宇披高樓延賞坐移時華山更不煩重到
几席之間攬莫遺

天池

天池有水瀝漿如彷彿明星玉女居度難在人寧在境

曰毋錯會枕中書

老子枕中記華山可度難池在山之
巔故高啟詩有靈峰可度難昔見枕

中書
之句

題高義園

萬笏天平翠名園有范家但看題兩字早覺勝其他雨

意如瀟竹風情善舞花
麥舟前軌在善繼莫教差

白雲泉三疊白居易韻

白雲泉是白家泉
林色嵐光太古閒
不為炫龍頻疊韻
高人風度緬其閒

用高啟虎邱次清遠道士詩韻

清遠竟何人
清詞麗霄漢
豈其謫仙籍
塵世等遭竄
飄然落吳下
虎阜一遊翫
驀遇沈恭子
殷周談汗漫
仍復返雲衢
誰能窺道岸
魯公書劍池
漫漶苔蒙亂
此時未

磨崖得全乃以半青卬出塵想和韻懷聚散而我茲竭
來勝跡遇春旦依樣易得句詎能誇藻翰本無求仙心
饒有憂民歎流連非所宜救幾思益贊

劒池

山川宇宙來便有豈信劒飛劃作巖四字宣尼曾不語
惜哉佳境溷愚凡

再遊靈巖作

昨日細雨今朝晴南國為喜宜春耕靈巖秀色在咫尺

姑舍遼待非近情出郊罪町濯綠潤花柳時世裝嬾輕
駢填老幼步隨馬禁躡菜麥慄農氓不三十里倏已到
盤旋山路素熟程松風謾謾掃塵跡塔影矗矗標心旌
調御丈夫對我笑去來現在奚稱名到此著語不可得
逡巡行館憑南榮太湖眼底一勺水三萬餘頃誰量衡
但覺空濶物不染無內外復無將迎我心與之然乎否
風鈴落落催宜行

遊山方方楞伽寺

治平西去總湖邊
熟路分憶昔年
山色波光相蕩漾
蜂臺鹿苑實駢田
春忍草奚為忍
泥識禪枝固是禪
若問楞伽標妙諦
峯峯法爾茁青蓮

行春橋乘舟歸蘇州行宮即景雜咏八首

蹋馬靈巖復上方
石湖側畔小徜徉
昨題七字磨崖讀
昨仲春遊石湖時
見山腰一泓清泚
可愛四面皆石大
士閣在其上因題
有誰識山腰始是
真之句今來重遊
則已泐巖壁間矣
行館言旋進便航

白芷青蒲演漾舒
漁舟艤待欲何如
繫子漢詔猶曾憶

生養方春不打魚

行春橋下春水明行春橋上萬民迎我欲治民如治水
清之則濁澄之清

亭子湖心從未到西湖攬景況方廻勤民都似此爭勝
吾更何憂不治哉

平流一帶郡城西潤逼吳天霽景霽水碓溪橋皆入畫
男耕女織總堪題

菜麥潤含方過雨杏桃芳鬪恰烘晴省春正義夫何謂

詎謂無端問景行

馬行本較舟行速溝洫紆迴反致遲因悟北南形勢異
諸凡要適用為宜

鳴榔廿里胥門到按轡城中路不遙大略已觀民意悉
江寧發駕定明朝

蘇州啟蹕作

兩日駐行旌黃龍發水程不耽惟我志略戀是民情吳
會歌聲遠惠山秀色迎東南風恰好草午到舟營雨中

雨中遊惠山寄暢園

春雨雨人意惠山山色佳
輕舟溯源進別墅與清皆古
木濕全體時花香到菱問予
安寄暢觀麥實欣懷

惠山寺疊前韻

每逢佳景喜題句率以錫崖紀
歲年是曰有為之法耳
遠哉無我祇如然愛聽春鳥閒
彈梵懶與山僧坐講禪

一語何妨聊顧問即今悟處可曾圓

寺中猶有雍正年間內廷行走僧

戲題惠泉方圓二池

一脈流來疏雨池圓甘方劣志傳奇人情圓喜方斯惡
泉自淙淙自不知

題漪瀾堂

四圍清泚繞書堂檐栢光翻漾鏡光乍可觀瀾知有術
因之點筆遂成章春陰瓊島雖數典

瓊島春陰有堂亦
堂亦額是名

松菴詎易方緬溯東坡題額意崇情泉石託偏長

若水洞

石甃方圓引側注攀躋更上下雲巒討源直到真處處

冰洞翻花萬古寒

駐驛金山作

秣陵將問古氏父暫浮江雨不妨兼驛

是日自丹陽城
霞閣發舟行八

十餘里申刻
即到金山風全靜度艘水天憑几席花鳥列軒牕祇

合蠲諸慮誰云聲色攢

句容道中

揚子登舟指秣陵中途易馬渡江乘菜花引蝶麥藏雉

畫裏溪村農事興

迤南峻嶺北長江天塹真稱險莫雙底事古來恃險者
賢礪頻見出城降

小兒已長老年多縱令隨觀不禁訶五十帛需七十肉
孜孜為慮應去聲如何

慧居寺

峰嶺因何秀秀因泉石遭恰宜耆域擴底較蔣山高禽
演無生偈松翻萬古濤閭黎惟守律不習坐禪逃

遊棲霞山

棲霞名寺遂名山點竄寧因字句間

本名攝山棲霞寺名也今云棲霞山

或因避攝之耳故載及之

藥草攝生何不可乳泉滌慮恰宜閒偶來

尋勝非耽靜敢懈觀民正憶艱樸斷行宮居信宿對時
擒藻我猶閑

紫峯閣

峭拔高峰生紫煙峰巔松柏見齊年三間小閣開牕對
太華何殊玉井蓮

功德泉

紫峰閣對青蓮壁下有泠泠功德泉
樓指不須數以八
論年詎祇閱惟千何當古月臨澄照
且看微風作細漣
雖是山根略疏引由來得倍藉天然

棲霞行館作

行館樸而幽依然前度脩軒牕無俗韻
林壑有神投鳥
語花間出泉聲竹裏流玲瑯院牆內
趁暇一登遊

太古堂

仰睇疊巘俯臨池宇宙以來原有之
我自先憂後樂者

底須高企子西詩

玲峰池

天半滌天池玲峰四面奇五年纔一照為爾坐移時山
以萬丈計泉淙為有源下視溝澮盈豈可相衡論老松
高百丈新松低數寸小草莫相欺會有凌雲分澹澹含
春日英英吐春煙野花姍入影也自一時妍不肯瀉為
瀑渟然守太初忽懷齊隱士亟命返肩輿

萬松山房

名山駐清蹕乘暇探山春
春山日以佳紅紫繪菲芬
房萬松中古色千青雲
不與世同調乃得意所欣
謾謾寒濤翻蔥蔥翠蓋勾
金吾報行漏適可前塗遵
十八公如語原非箇中人

題般若臺

山鳥春前叫山花雨後開
是云般若相那辨有無臺
練影堂

山中一湖水借問是誰開
識性易疏塞得源可溯洄
軒

圖略點綴練影足徘徊妙契澄清義觀民有自來

德雲菴口號

淦淦復英英境真乾闥城不教餘結習得句便前行

九株松

謂似會昌曾有詩三三瘦骨挺仙姿

去歲香山會九老居然兩倍之

疊浪崖

層疊奇峰作浪形大瀛海豎萬尋青漁人何物津輕問

祇合虛舟不繫停

見山樓

出樹有高樓見山與額留由來一合相那問幾經秋崖

浪階前疊

疊浪崔在其下

松濤牕外流如何僧紹後不復覲潛

修

幽居菴

寒泉帶曲溪茂林鎖層嶺得趣以深逕納遠愛虛牖南

朝樓臺無太古雲山有幽居緬前賢今人稱

去聲

居否

峭舊室

幽居最幽處
逕自林穿剔
土得飛壁
剝沙出瀉泉
蒼杉濕垂露
密竹靄生煙
結念屬峰頂
無何便著鞭

登最高峰作

登峰登合最高峰
風拂鬚眉雲盪胸
下視鍾山諸培塿
綠瓊盆裏種芙蓉

江山地險帶還襟
守德孜孜獨切心
泐石長歌一再讀

丁丑登最高峰
長歌紀事
却教視泐去來今

話山亭

遊山歸來日未午
院內山亭憩久許
舉頭題額曰話山
不識誰賓抑誰主

石梁精舍

得還琳瑯叢
憩息煙霞宇
遙吟目空闊
俯暢意軒舉
江國既欣春
吳雲復不雨
山鳥與山花
爭妍真靜所
五年瞬息間
石梁自太古

春雨山房

江國今年雨恰好行春無礙每逢晴晚來細點凌空灑
却喜山房善副名

武夷一曲精廬

巖根水繞階除步廓曲折雲擬議以成變變化武夷一
曲精廬

燕子磯

峭壁插長江孤鶩似飛燕西引幕府巒東接臨沂巘
翠逕入丹崖花木繪明絢春風三度經每因駐雲罽

叶

設險信無過天塹夫何患南朝凡幾更臨流發浩嘆

遊觀音山永濟寺

緣壁飛樓鐵鎖牽下臨無地上惟天須彌海水依空住
棗葉龍宮現偶然

駐蹕江寧疊舊作韻

寰中可數建邦區觀勝應教翠蹕紆山帶江襟誠劇地
家絃戶誦久名都上游雖遜關分洛偏處上聲猶羸杭與

蘇守以金湯終在德每懷殷鑒敬惶俱

賦得江漢朝宗

得宗字八韻試
江南士子題

岷山濫觴泛嶓冢象天淙三澨峽流過九江川氣衝入
南垂禹蹟會北帶堯封是瀆首羣瀆朝宗惟地宗藏精
在箕斗戡浪息蛟龍來往濟商旅耕桑利士農海門滙
知近澤國勢觀重歸極保皇極吾滋絜矩恭

謁明太祖陵

嬪謝都關

運乘懷除非自本朝興代為翦逆當方革宣是因危致

允升常禁里民闌採木還教衛戶謹巡陵省方近撫
前王蹟殷鑒惟懷惕倍增

靈谷寺

蔣山開善寺移置得茲名一切有為法本來無定評閒
花明柰苑真樹護祇城偶讀前題句不牽今昔情

閱武

白下扼衝都將軍分節符百年久休養一日此陳鋪技
奏桓如虎恩頒藻躍鳧謾云循故事嬉武戒殷吾

鷄鳴山

岬嶂鬱鬱城北區高出城頭可望湖春風葩瑤謁臨駐
不須俞騎紛前趨扶攜老幼願瞻覲誰何無事嚴聲呼
六朝興廢則且置斯民三代寧有殊巡方詎謂玩山水
鑒古益切憂勤苦

遊清涼寺

去歲曾禮清涼山今朝乃謁清涼寺既曰清涼應一真
吾所知者已有二其不知者想更多旋於蘇文悟其義

譬如鑿井因得泉不可謂水專在是叶井同泉水無不
同妄分彼此真兒戲調御丈夫如是云是謂清涼無上

朝天宮用蘇軾題

玉局風流似紫薇遊吳望蜀遠歸登樓未覺山川
更迭雁因懷音信稀高觀當年如宋否西園今日
姓王非治城不少留題者獨和坡吟倚素暉

大報恩寺

城南最古寺跋馬試重尋亦藉觀民便曾無學佛心禪

枝千載茂梵唄四天吟穹塔千雲表神遊當去聲步臨

題雨花臺

梅岡東麓雨花臺聞道談經曾致來豈識維摩不著座

爭如太白祇銜杯

李白詩朝沽金陵酒即此處

六朝坊市誰興廢九

道江流自漩

去聲

洄未審苑城偶南望可應追悔此為哉

賜梅穀成

無欲有精神趨迎清浦濱閉門惟教子下榻不延賓能

駐西山日引恬江國春推恩緣念舊

穀成諸子俱未通籍詢知長子戡尚

可造就命賜舉人
准其一體會試

皇祖內廷臣

牛首山

大易乾為象南京離占

去聲

方兩峰恒角巖雙闕表天

閭盡得江山秀況逢花草芳鶴林坐調御萬古示真
常

再題幽居菴

金陵返蹕駐樓霞西峪幽居清且嘉窄路入從雲片

石闌春落半錦堆花水流山佳露全體竹淨松麤是
道芽僧紹便存不徵聘名求名應底堪誇

遊攝山棲霞寺仍疊尹繼善沈德潛倡和韻

建業多佳山要以攝生冠聞名未見者尚爾生歎羨
況我曾命遊馳情結霄漢諸峯盡婉孌秀比總角州
幾暇輒神交那藉圖經按泉石應好在每每縈遙戀
却付忘言僧長平聲年對塔院茲來緣省方寧圖暢遊
觀獨此未能忽吟懷吾早辦

言入功德門載尋煙霞逕颯爾淨四塵坦然遵八正調
御坐青蓮屏息不期敬緬懷平原人捨宅悟本性旅食
或乏糧之鬱隨弟慶謂僧紹弟慶符也仍住弁榆山水石足幽
勝吾聞狂狷者不棄尼山聖惜哉被季世化裁孰可凭
徒傳賜如意放浪林間聽

山之姿曰林山之骨曰石林姿既蔥菁石骨復瑤峯盡
善誰能同那可計尋尺雲生峰欲連泉畫巖疑坼擇勝
不勝平聲擇底藉東坡帝徘徊擬遼待天籟落絕壁竅詎

概以萬號信竿以億山靈秘其奧應謝塵凡客東麓有
行宮松軒成少息澄懷思向遊摘藻抽義脈

草藥既芬菲應遊鶴與鹿巢松風籟翻飲泉月光灑翠
華忽來過想皆避深谷徒見曲折溪泠泠自潄泚繖山
如有語未能隱者瀑以此我欲返秣馬命羣僕了知乾
惕人未可耽清福出門試迴聽澗水猶鳴筑鳴筑清神
心枉駕重攀上徑指最高峰沿路分奇賞雲林揖峭嶺
煙江俯決泝暢觀既云愜託懷亦戒蕩信宜下崇椒高

吹遵路往揚子剪平波棹歌發清響寓物貴不留有如
鏡中象展讀舊巡編聊當抒餘想舊編一再看宛憶倡
和事長詩欲重賡幾忙則且置是不宜作輟促成值少
墜休文留林泉吉甫隨車騎一則効負弩一則賦製芟
跡殊心則同惻見興歌除明遠擬俊逸長吉非詭異欲
罷我不能匪逞藻詞儷片時成六章用誌江山麗

駐蹕金山

百里棲霞曉策驄金山舟到日方中又成迴蹕時臨夏

每喜梅喜橫江靜戢風氣接鴻濛開遠勢峯連入高空
精藍寶帶常留鎮那見蘇公與印公

遠帆樓

梭織往來衆舳艫風恬浪靜蔽江鋪遠帆樓上延遙目

太液池頭了不殊

西苑璫岳後臨液池有閣曰遠帆

妙高望

玉京一峰秀浮至水中央此是最高處快觀千里長從
來無旱澇誰說有滄桑笑失中原者仍誇天塹強

三月晦日錦春園卽景

名園瓜步倚江濱，綵艣凌江到及晨。
梅朵落同萸萸盡，麥芒潤逼菜花新。
鳥言似惜芳菲意，石態全含淺淡綏。
綠柳紅桃流水閱，錦春卽景恰婪春。

罨畫牕

塔灣行宮旁室，曲折臨水，致有佳趣，因以避暑山莊
內牕名名之。

虛牕正對綠波涯，名借山莊號水齋。
却似石渠披妙蹟，水

容山態各臻佳

駐蹕天寧寺行宮作二首

江浙豫遊返淮揚信宿留景光及春尾民物尚吳頭真
樹絕勝古新軒那藉脩畢然思謝傳千載真風流去日
梅纔發歸時梅子青流陰迅如此行館暫為停靜趣相
酬答清機泯色形花宮坐調御萬古自天寧

大觀堂六韻

行館天寧側文槐額大觀省方協中正設教戒遊盤式

展九歌義匪求一已安增華稍踵事為愧不因歡

去歲在京間淮揚行館視前巡頗有增葺召益政高恒
入京面飭則稱建置之成不能更罷今來駐蹕實覺過
華不為喜也民力雖無藉商財詎可殫舜巡知弗逮禹德繼

誠難

四月朔日遊平山堂

畫舫輕移邳水濱人思六一重遊巡陰陰葉色今迎夏

袞袞花光昨餞春巧法底須誇激水商人引水為匪添
激為趵突高尺餘

雖稱新巧天真淳風惟是慙去聲投薪江南山可平遙望望豈
頗失天真

因山因憶民

閱金灣六閘書事

湖西下河東行潦患必逮運河挾以南歸江路宜議豈
嘗無閘壩尺寸未詳計譬如受以尺洩丈斯得濟受丈
而洩尺弗壅定致潰昨過金灣時切切慮莫置重臣命
踏勘昨以高寶湖河入江之路未暢命大學士劉統勲等先行相度議以金灣加寬引河中閘改建石壩
西灣落低滾壩各條分立標識今舟次按閱悉協機宜果如所言弊相商事鮮更
一一建標記灣頭洩水暢壁虎無多地鳳凰兩岸陡宜

皆姑舍是

叶

所重金灣頭洩水暢窄異宣達實罕暢應

與疏展暨東灣既落低

事在乾隆二十二年

西灣當並治

亦應落低三尺

今親臨視猶以為高命再落一尺

引河更拓寬俾有建瓴勢我欲步履

視細雨風帆利閭閻歷攬全進止授次第即今東灣低

河水流未泊云以待漲時春時漲弗至何不先抽薪揚

湯勞止沸是宜重審度亦寧執已意

欲使常時湖水入運運水入江庶湖

虛得容夏潦然其有無礙運道則俟再商然此猶治標根源吾熟思在洪湖

五壩其故曾屢示苟其清口暢是皆可勿慮

叶

其如蓄

清言深中督河甚蓄而鮮致害願從吾無悔清口靳弗
拓小小煩從事信其功難成猶將患屢試

三依

皇祖閱河隄詩韻

冬官慎蟻戶河伯守龍宮無事功須建多奇智轉窮泗

州安可復

泗城舊為水圯康熙初淮溢武家墩皇祖命築高堰之天然壩

皇考繼成大工

居民得免水患

洪澤僅能通

皇考成高堰

堯魏

舜繼功

洪澤湖三依

皇祖詩韻

遙天無際碧涵虛
為閱金隄立以徐
我有要求豈緣木
那煩里革諫觀魚

命接築高堰磚工詩以紀事

武家塢迤南湖水已到岸

皇考脩高堰衛民帑弗訖迤北岸離湖築土仍舊貫癸酉
幾致危易磚籌禦捍其長千餘丈運口將及半今來一
再視預防慎思患一律屬運口緩急庶幾迨拊事下
策忸怩懷永莫

定清口出水誌詩以示總督尹繼善總河高晉

清口湖尾間兩壩東西壅黃未奪淮時全淮此東送後
始言蓄禦本由人操縱而何膠柱者甚靳拆菱對

司事者不肯大擴清口草壩雖稱蓄清
敵黃實以隨時拆築恐干多費之議耳窺其意所在重

平聲

築恐費重寧使漲高堰五壩漏卮供高寶曷能容下

河災可痛於是議出江徒紛如聚訟釜底不抽薪揚湯

審何用悉心求其策洪澤宜騰空高堰今出水七尺五

寸中如增至三尺清口仍弗動

叶

設再增一尺開十丈

洩洶

叶

遞長遞拓寬殺

去聲

漲利應衆奚待出五壩而始

拆倥偬秋汛過弗漲收壩資禦控

秋

汛後洪湖水勢既定即應如常接鑲口

門或二十丈至十數丈皆可

審機在專一圖便戒旁綜有過願分任

其功不勞頌

渡黃河作

江浙返巡蹕清黃渡水郵往來恰兩月

慈壽奉千秋川闊氣雄亘風恬浪細流馨香慚去聲明德

錫佑每蒙庥

命疏濬六塘下游詩以誌事

大河迤北窪宿遷桃源清河沫陽海州六塘為之經其

緯諸河在歲久或淤滯暴漲屢致殆所以三度臨民瘼

曾未改是宜事鬯剔地廣艱乘載叶諸臣命往勘詳酌

期無悔具圖如指掌進止取有待展寬及去淤增低補
薄倍其鹽河滾壩啓閉定準指商利蓄固否民利消毋
乃仍責成監司

向無專司今命移駐同知
一員特司啓閉開壩事

相機理莫怠

集思廣忠益所期民樂愷佇望起瘡痍慰予此風採
命莊親王率衆護衛

皇太后由水路還都是日分程減從取道徐州閱河詩
以紀事有序

江鄉掖

輦三春

燕喜方申淮甸迴鑣四月清和乍屈惟念舍舟遵陸將

循置頓於齊燕以言

晏起早眠莫若溯洄於江路冀奉

萱幃而增豫宜從

蘭舫以安旋親蒲夙事前驅禁衛分番按部幾程德水

決旬視

膳恰逢半月仙園仲夏承

顏伊邇散侍

登艫之候爰摘弭楫之篇

慈壽今登七袞餘奉遊江浙

意怡舒禮成展義還京國志切觀河邁沛徐春序無妨今

逮夏舟行自較

逸於車親藩扈衛遵川路半月言違謁

起居

至德州日水陸程適相
值當於行宮問安

安瀾

龍王廟疊舊作韻

保障觀徐郡

崇祠臨大河載瞻循路便

爲祐固隄渦去歲楊橋驛初冬瓠子歌合龍真是連錫

祉此無過銅沛今稍幸

自丁丑命增築徐城石隄戊寅又築徐州北岸新隄河身刷溜

既深凡徐屬銅沛迤北至東省嘉祥
魚臺河田以次就涸閭閻生計漸復耕桑幾閱河安瀾

欽

聖勅繼

志祝恬波

渡黃河至徐州作

丁丑省方至流行災實寬中般謀救濟

是年銅沛被水為劇既命衛城

土堤改建石工復留侍郎夢麟等會同督臣尹繼善脩治荆山橋一帶各工俾資醴澹且值災餘度作並增給

賑糧樂解窮午夜切辛酸旋轉蒙

天佑閭閻今改觀石堤衛城固

河濱渡舟安民謝重生幸吾懷痛定嘆然寧不為喜今

日應去聲加餐

惠佑龍王廟瞻禮有序

徐州地扼呂梁當大河之衝屢遭水患丙子秋孫
家集漫口郡屬田廬益多被淹浸丁丑巡蹕臨勘
既分遣大臣等繕治上下各渠顧城北護隄仍土
土之舊難資鞏固命悉改甃以石事集而利永抑
神貺實嘉賴焉勅所建

祠雲龍之岡用昭祈報壬午再莅

升香展敬而系以詩

設教資

神道明煙著六宗城闔祈鞏固

廟貌與春容

帝惠惟敷佑吾心敢解恭洪波籲恬壑萬古鎮雲龍

題放鶴亭

昨甫浙中吟處士今來徐下緬山人一般放鶴留高躅
舍是更當誰與親

遊雲龍山人作

大彭作鎮迴超羣蜿蜒如龍霞黴雲自是氣求詮易理
不妨幻住悅聲聞土饅頭下老亞父石緯楔前狂使君
千頃麥田民氣復絕勝前度此為欣

試衣亭再用蘇軾韻二首前章詠古後章即事反
前詩意

放蕩雲龍試點衣故人赴選趁行暉臨歧那忍忘京國
一片心隨去馬飛

稍喜徐民足食衣馬頭莫漫頌宸暉前巡惇狀猶滿眼

祇覺流陰迅似飛

黃茅岡戲成口號

黃茅當日使君狂
突兀猶存百尺岡
縱酒放歌且攜妓
即今寧不掛彈章

閱徐州城西石隄

城北由來有石隄
加長五百丈延西
依依萬民眠宵穩
業業宗壩出水齊
凶歲經營還代賑

丁丑夏即興工
代賑賑濟頗多

洪波緩急賴相批
即看綠野耕桑起
保障千秋永福禔

河北孤山新土隄成詩以誌事

河至徐州窄此實限於地所以夏秋汎容川每艱致北
岸未築隄是或有深思蓋欲聽漫流聊為燃眉計然聞
河貴合刷深達海遂縱餘波所忘慮沈沙積即今微
山湖南仰已明試浸淫金鄉魚臺沛縣無歲不行沴南
岸石隄成緩急庶可恃叶三縣金魚均吾民可弗為籌

逮重臣自鄙遽經營排衆議

戊寅夏命尚書劉統勲來
徐相度築隄河員尚墨守

留淺漫水之議以來急易漲為
統勲持之甚力遂定議築此隄

起自大孤山迤西接

舊堅大孤至蘇山亂石壩權宜亦足洩易漲沙存任水
去叶渡河閱告成衛田誠愜意數年頗獲收民氣較前
異懃懇事不策益復增吾愧

題黃樓再疊蘇軾韻

每遊黃樓必有說風流玉局前茅發到斯欲罷乃不能
把筆先愁韻險清野亭且置試衣衫九日緬懷洗韉韞
二語際括東坡詩意望鈇幸過守孤城痛定歡容綠酒呷賢守勤
民應若此河復為雲欣舉鋪丁丑事蹟略或同休我生

之戚我殺較於刺史有甚焉其奈行災煽羅刹千方救
濟不遺力旋轉終賴鴻鈞軋今來閭閻頗改蔽井賣蒸
酒槽厪載登城閣得怡情黃水迴環碧山盤千村喜觀
起耕桑百里相聞有鶩鴨一杯遥酌老東坡何必高情
寄清雪

渡黃河作

兩日雲龍駐四番來往經過河駐蹕雲龍次日聞城西
石工畢復渡北岸聞孤山新
隄仍朔流而迴今鴻川常戢浪
始渡河就陸北旋

巨瀆信昭靈
捷石希安奠
辦香詎德馨
凡渡河所司備綵棚辦香致敬

舍舟遵路驛封牘奏

慈寧

荆山橋

三里長橋開孔多

橋凡一百五十九孔湖河之水由綠孤山茶城等處經橋下東入運河

芒十頃浪婆婆
漲波未至春膏足
且喜農民獲麥歌

詣

闕里瞻拜疊丁丑舊作韻

過魯嘗聞祀漢王

師尊萬古帝分皇斯文未喪真成慶違道以治平聲必致

六籍俱存猶港五年又值此巡方

天庥獻馘曾於泮載和籌邊昔歲章

丁丑過闕里時尚未奏凱班師故有在

泮行歌載章之句

駐蹕古泮池

此地非常地新城即故城

按一統志載曲阜故城在今縣東十里故丙子駐蹕詩有

十里東郊舊魯城新城安得泮池名之句今細考縣志所稱新築縣城乃明正德七年移送祥符間自此徙去

之城耳其宋以前縣治原在此蓋新築隘而故址寬土人傳聞率多歧悞且考水經注所紀孔廟泮宮方位近遠其地亦當在今行館之地

丙子所咏失之未精覈也

館仍今日駐池是古時清

柏蟲參天翠花攜入夏榮獻功久保定皮鞞凜持盈

謁

岱廟

時巡指江國致

祀遣春官茲取迴程近親瞻

祭席單大生功配

帝如在

貌臨壇肅拜無私禱抒誠心始安

戲題環詠亭

廟旁精舍小逡巡瞬息流陰十四春

自戊辰題句至環今閱十四年矣

壁莒華泐羣詠幾成五色目迷人

粗聞數首無一佳者

登泰山作

欲笑相如逢漢武更非張說諛唐明却因瞻彼巖巖象
便以暢茲坦坦情或馬或輿遵棧路宜詩宜畫入仙京

齊州九點烟中辨益切憂懷保泰平

登泰山六依

皇祖詩韻

春巡南國孤紆蹕按轡高山仰馬頭可匹何曾吳嶺見
既成乃復大江浮便教一問峯分谷未許多勞郡與州
清曉載登午言降那因勝處恣耽留

五歡之中宗首出誰能昆脚與皆頭神傳杜句真稱獨
象擬韓文信不浮結攬

聖情昭泰麓照臨民隱遍齊州繼繩今日伊余責敢不聰
聽一意留

登玉符山極頂作歌

初春晝短景易闌復慮高處不勝寒即今清和駐蹕早
有山罷登孤素抱內豎肩輿攀巘蘿更弗松下鳴梢訶
絕頂放眼一千里羣雲鋤雨何其多東山小魯泰山小
天下我則何敢凜乎御六馬惟有祈年意非假與民休
息孜孜者雄辯那須誇炙輠返吾勤政延儒雅

至德州詣

皇太后行宮問安

川陸郵程會德水

起居今日覲

慈雲御舟敬悉

適眠食半月縈懷一旦欣

新城道中作

麥穗秀將實黍苗吐欲齊農功日逢好土吏語堪稽

地方

大吏雖屢報得雨
雨目覩方慰

賤昨年冀

去歲賴來大熟秋霖雖沙
澇米麥至今不致大踊

乾復雨徯

北地易乾三五日不雨即起塵問
農人云其下仍濕然為之望雨矣

西成尚遙

在祈望正長分

復雨

五月初
二日

昨日晴暘無雨望青郊歷覽心已暢思量復雨當更佳
夜報輕雲翳天上平明趁爽催歸驂雲濃旋旋煙絲電
涿鹿之野五十里時疎時密均優霑都中迎鑾人畢至
王公大僚及羣吏哈薩陪臣列未班雖濕衣裳同喜意

行宮駐蹕延諏詢咸稱膏澤今春頻此雨既渥麥方秀
定期稊穗盈倉囷入夕滂沱勢未止垂簷琴筑鳴銀水
甫纔生冀得快霖祇覺傍惶怵已

南巡廻鑾駐蹕圓明園作

快雨兼欣值快晴廻鑾益覺愜羣情元亨四閱月時序
信屈六千里路程幾政宜勤取騎速

慈園圖逸御舟行三朝倭指還

仙苑正喜金萱映砌榮

恭迎

皇太后駕至暢春園駐蹕即事誌喜

南國

臨山常却輦北京

旋蹕日東舟

輕輿趁爽來仙樂馬詢

安謁道周

慈豫都因看好麥薰風恰正綻芳榴

高年食履增康健願奉

徵遊億萬秋

欽定南巡盛典卷十

欽定四庫全書

史部

欽定南巡盛典卷十一

詳校官兵部郎中臣孫球

欽定四庫全書

欽定南巡盛典卷十一目錄

天章

十一

乾隆三十年乙酉

御製古今體詩

欽定四庫全書

欽定南巡盛典卷十一

天章

乙酉

直隸

山東

詩

恭奉

皇太后南巡啟蹕三疊前韻有序

留熟支開恰肇金瓊之歲
棣通氣奏甫頒青陸之
春訊上元翼日良辰猶是
宜燈宜月舉江國四巡令

典望均自東自南溯夫展義陳詩賜酺給復進疆
吏則書登風俗羅黷宮而牒上俊英既不辭三至
以云勞寧或改一遊之為度顧維於越勾吳之壤
厥號襟河帶海之區雖五壩示其節宣幸卜澄澗
於紆轡而兩疊資為夾束期覘漲渾于候潮殷懷
將在此行遠計曰無非事矧黎獻扶筇之願切尤

壽康掖

輦之

歡增樸室卻飛輦十笏明牕披月宇輕艘捐采鷁一桁采
艣剪烟江七校點前班尚減傳餐之簿六曹遜後
扈纔充統仗之儀匪高選勝乎山川彌軫疇咨於
民物對此韶光添九十東皇之閏律方中曰之清
蹕紀三千南服之行編可冠

南邦初莅歲維辛依戀常牽澤國倫三載忽如過影隙

當春仍此卜時巡預教減從

去聲

事從

平聲

簡

命一應

扈從

人員均較上

屆減派仍由該衙門核定奏聞

諄戒增革命屢申度節尚隨朝節客

時蒙

古王公暨西域輪班入覲朝正在都並移
上元節宴就送駕之次令其預坐遣還近先有覲

光氏一清寧止徵求寡千里何須兵衛陳日日

大安承

喜色恢恢四海共熙春念周黔赤愛如舊興助江山句亦

新却是靜中時自省得無觀采畧嫌頻

過盧溝橋

通閏遲節候河水尚未開徑行誰病涉

冰上行人往來
免似不知有河

隄防

去聲似虛堆兩堤上積土成堆
益憂秋以備不虞

因悟乘時要難言永

定該遙源湖代地西北萬山崔

長新店

村亘五里盧溝濱廬舍比櫛復次鱗借問往來投店者
幾不勞勞名利人墟里蓋藏真覺好幸值去年登萬寶
紅聯貼戶竿豎燈長新即此長安道一二老人衣黃衣
欣於所遇顧賜之向南日日數增倍侍衛行賜將或遺
惟有望近不厭述聖名言可味思

良鄉行宮恭奉

皇太后觀烟火

駐惟初頓節翼日處處承

歡養萬方合設燈花酬景令所欣

食復正康強却看月隱勝月現

是日同雲恭布大有雪意

欲笑廣陵輸

廣陽入夕同雲將釀雪連阡麥壠願敷祥

良鄉行宮三疊舊韻

初頓常教依北闕長途復此指東江門前烟火同觀罷
却喜盆梅伴燭牕

南巡四度不言勞
詎為江山事一遨
察吏要因悉民隱
舉賢寧止拔文豪

壬午春當蹕旋際
為民迴顧頗牽情
三年纔決巡鑒出
欲答蒼黎盼幸誠

立春越日駕巡南
梅信緣寒想未酣
遙憶孤山放鶴處
也留芳朵待吟探

向來觀梅至蘇已覺爛漫今歲春
近且逢閏月至杭或尚可觀梅也

郊臺

庚辰曾是勞旋師叩

旣臺陳得勝旂自此西瀛盡來賀每循南路引餘思固資

衆力成勲績實藉元戎善指麾享澤何期騎箕尾

惕辦大學

士一等武毅謀勇公先惠以去歲冬至月患病
遠邇雖親臨酌酒今經此地不禁迴憶生悲

不禁觸

境一生悲

弘恩寺

龍蔥翠蔭濃隨喜梵宮重庭有百年樹僧修六度宗白
蓮持戒律黃蘗謝機鋒小坐遵前路聞徐烟外鐘

琉璃河

石橋千尺壓兩涯接以石路平不陂夏秋行潦每致渾
藉此無礙車馬馳前人妄為後人賴長城運河率有之
勝朝魏瑞茲故里葆輿安坐達京師非官帑即勞民力
小修所費尚不貲窶人予勢有如是奚怪朱家社不移

涿鹿行五疊前韻

今日駐輦隣州城明日啟駕遵南行倏忽一夜今成昨
荏苒來者今非明三年餘得桃花飽無去來今惟靜好
藉可喻四巡江東却是言實非譬巧人有來去日何尤

具間哀樂事已稠試看歷歷前題句幾纖毫分爲恒留
所幸里民鮮菜色蓋因客歲逢稔收以此祈年益切切
謹身宵旰慎厥修

紫泉行宮賜隨營諸臣及直隸各官食

吉行五十里非遠元夕逾三尚節朝有暇宮門臨賜食
兩行茵席答熙韶歲收卽是君臣福民樂多緣風雨調
虞輦居謙戒欵噐欵哉自勗勗羣僚

紫泉行宮十詠

敞軒

情知別館縣城南
樸斲欣堪稅六驂
三架軒楹教豁敞
為宜春色箇中含

屏山

數峯意亦足
瀟湘畫法奚論米
與黃最喜當門無俗韻
愛他本色是清防

鏡湖

淥水胥堪供
鑒觀青銅試比有餘寬
臨行江國休衡校

鶯脰菱絲祇一般

舫室

舫室閣閣臨湖推篷烟水趣真殊箇中摘句吾原慣

消息先傳安福艫

南巡所御舟名

樓亭

剪縛樓毛覆上層逕穿詰曲倚峻嶒靜觀設問誰堪比
一笠居然雲水僧

虹橋

宛轉橋欄俯渚汀
垂如蟠螭飲波形
武夷君若期相會
躡此知當到幔亭

魚簍

今歲春遊湖尚冰
何嘗倚岸置魚簍
有名無實翻成當
去聲里革謹言憶讀曾

石徑

礧礧白石玉為堆
曲徑重尋春日來
踱步向深忽失笑
不由還覺愧澹臺

竹埭

誰把簷簷護閣栽，坐宜月入與風開。
何須艷舉江南好，一例虛心勁節材。

箭廳

箭廳仍是倚溪涯，衛士歸廬免候排。
臂病邇來稍發此，信予慙處豈予佳。

降旨免直隸山東經過州縣錢糧詩以誌事

新春頌肯惠江南

前此三次南巡屢蠲上下江通賦昨詢之大吏以江南尚有因偏災緩貸

各項積至一百餘萬兩念皆無力輸將所致較每歲未完額徵尤堪軫卹因於新正二日降旨概予豁免以慰望幸而輦路經應澤遍覃執役那無灑與掃正供胥免均慶惠

十之三即看夾道相親切寧不寘懷共苦甘更厘欠逋詎全鮮上聲傳宣方伯面詢探

賜直隸總督方觀承

榮戟依京國隼旟鎮冀門中丞近張鑒大尹昔王尊任久民情悉心恒吏治敦幸哉連稔後元氣復堪論

駐蹕趙北口即事雜詠

大隄迴望見雄城駐驛燕南趙北營一宿已看分兩國
爾時政令若為行

春遲冰凍未全開近水程途喜不埃侍衛囊金例行賞
野翁依舊獻魚來

烟宮數字可停驂
聽裏淀池萬頃涵
點筆今朝別有託
愛他消息遍江南

積葑園泥種麥園未能一例禁西湖

西湖葑田氏多佔
種向於南巡時覘

知利弊隨勅大吏釐核禁將未毋許續增致礙宣節茲
淀池內外淤地衍沃於時麥尤宜民間墾藝滋廣若不

示以限制恐日久有妨濬洩自當仿浙
省之例飭禁亦在有司之經理得宜耳
勤耕豈不資民
食所慮因循占水區

遠浦連冰一片白簇枝綴蕊萬星紅
十三橋畔韶光嫩
假藉春燈著意烘

春宵燕九例收燈婪尾冰嬉試賞憑
開罷夜深古月上
法王無盡示真乘

降旨命免直隸歷年逋賦詩以誌事

江南百萬豁逋租絜矩京畿此豈無
多厯寧因少忽耳

欽定四庫全書

卷十一

頃詢方觀承知五隸自乾隆十九年至二十六年未完
緩徵各項計三萬有餘雖為數不及江南四十分之一
而拮据輸納情自相同因降
特旨蠲除俾閭閻益資饒裕
遠憐翻可近忘乎況當禾
稼連逢熟益使錙銖不藉呼庚俾閭閻歌樂歲春風載

道共民娛

鄭州道中作

鄭州久省尚存名水郭人家漁且耕大抵治民戒滋擾
郭駝傳裏語尤明

思賢村行館疊舊作韻

常山太傳授經祠津逮於斯憇息宜汲古端知稽此要
經邦寧復藉他資自專韓氏惟傳易衆好去聲燕人尤述
詩不號行宮號行館愛伊樸簡契無為

題毛公祠

博士始稱毛獻王慶際遭上承述卜子下接逮徐教藉
以觀虞夏誰云祇粕糟古祠旁駐罕行繹一焚膏

憶昔一首示直隸衆官

憶昔壬午過是郡甫經灾沴民未蘇歷覽雖鮮鳩鵲狀

寧免飾觀經蹕途其歲夏秋復兩失調幕乏計惟增吁
蠲租賜賑不稽澤救急詎弗遺向隅

上天好生默旋轉癸未幸歌西成愉昨年夏秋更均獲桑
棉瓜菜皆豐腴策驄吹閱元氣復黃童白叟真懽娛戶
有崇墉村象美衣無須撻人面舒乃知補苴信何濟力田
豈似逢年乎因之逋賦概豁免索俾閭閻追呼方伯
有司日扈蹕此慶共銘汝與吾然宜抱媿何修致不宜
志滿誇祥符

紅杏園四疊前韻

獻王昔好學竹簡論車輦招致道術人賢材率來館得
書獨稱多儒學因之顯古地開今園春風又席展何事
消清暇摘詞興堪遺五詩四疊韻用以彰厥善

於景州行館作

地方官以

皇太后高年旃屋究不如瓦室之暖因建行館以備
憩息義重

溫清且事已成遂不峻拒東省頗亦有之然非朕本懷

故詩以誌愧

行營向所諳隨處足停驂如曰

高年養無過數字堪何來景歷歷且復屢耽耽覺通以為
惡惟清信可耽牙籤供古鑑紗牖納春含未得忘言去
言斯自識慙

景州行館八詠

展義齋

樸宇數楹臨駐時視事於此觀民展義意斯寓焉
新闢行齋駐罕旌由來不說事云成便教摘藻題展義
思義還因惕顧名

顧志堂

堂為恭奉

皇太后安憩之所叶時

溫清於

高年頤養尤宜

四度南巡奉

聖慈樸堂溫清適相宜承

歡常仰

身康健大慰吾心乃在茲

通淶橋

板橋宛轉淶水斜通步屨往來儼然江鄉圖畫

一泓淶水也成溪屨步通橋雁齒低阿那堤楊雖未綠

柔條拂處已生稊

澹懷室

行館後為邃室幾餘靜寄因之澹泊明志深契澄懷

溪畔軒庭一宿便琴書猶覺過清妍澹然對處懷澄照寧祇方心似水焉

延月臺

平屋傍疊石為梯登之可揖東山之月時雖過望意足千古

月與高人雅作陪於吾何有乃斯來石梯設以皇山擬

方搆誠為米氏臺

米芾寶晉齋東有月臺而以上皇山想所告異石致其側茲臺叠磴玲瓏

亦以石勝應不啻寶晉桐杉間耳

涵虛舫

池上舫室可居非水非陸而兼水陸之趣南華虛
舟之喻足以當之

即室即舟臨水裔不浮不繫任天真今朝識得涵虛妙
凍浦雖風那漾淪

葆光洞

延廊窈窕間環以石洞雲根含潤髣髴有光

繚轉遊廊石洞穿趣含幽顯得天然何須僕僕尋丹藥
步此應逢元圃仙

四照亭

四柱翼然清景隨方可攬會心咫尺政不必艷舉

西湖

蹕停過午恰餘閒四面春光攬結間雖不刻舟覓津逮

逸飛逸興亦孤山

孤山聖因寺行宮八景其一曰四照亭

過德州浮橋有作

清河聯艇作輿梁鞠脆迎鑒夾岸傍何處黎民非赤子
那分彼界與斯疆全無菜色誠予喜自有鴻恩副衆望
不數里遙莅行館樸齋書史足徜徉

五依

皇祖德州即事詩韻二首

轉輿指東陸紀序正春初省方將設教有舉必應書百

年

祖制昭七萃軍容肅不遊體以休曰豫凜恒煥

恭奉

皇太后觀烟火即事

早傳度節屆燈收大吏偏稱備已周

燕九已過不應再
陳燈火而東省大

吏以時值春正節月入疆首頓迎
申慶賞即遠近黎庶亦得共快就瞻以彰同樂所請尚

輦祝
鑾宜

尚屬近理且供
具已周達聽之

且是未過正月內更兼來觀萬民稠春

郊合奉

思齋賞夕景何殊樂國遊星箭騰空數無萬增

齡都作海山籌

降旨免山東積欠詩以誌事

輸多欠少詎能無積少為多遂屢逋江浙已胥需我澤
青齊忍聽向其隅率因災歉成陳負概與優蠲俾眾娛

昨崔應階來迎蹕詢知濟南各屬乾隆二十七年以前
因災緩貸各項積至十二萬有奇因降旨概予豁免俾
民力益
資充瞻 絜矩要從民所好為民父母意殷吾

賜山東巡撫崔應階

此地向旬宣撫安遂晉遷

崔應階先任來省藩司因繼阿爾泰擢撫本省奏辦荆山

橋一帶水利工程頗見利民任事

理疆皆熟路涸淤為疏川斯識勤農

要寧嘉供帳便前人芳軌在帑力繼其賢

前撫阿爾泰實心任事經

畫得宜應階守而弗失是其所長

德州行宮再疊舊作韻

三年東國宛重莅幾宇行宮占首程
盆卉含胎方欲綻庭柯圍拱已將成
展芸靜覺蓮壺永搗藻長看花炬榮
惟是黔黎所屢念豈因今昔漫牽情

填倉日作

御營廿五稅駢駢今日填倉渡濟南
麵餅月形團箇箇
韭芽春意綠
髮髮中心祇祝茅簷宴一飯常懷玉食慙
大雅漫須嗤俗節
喜他名義寓餘三

齊河縣行館作

晏子祠邊十畝居
春風初度駐鑾輿
雖然數字樸欣此
尚覺中人產屋予
地久自饒老松栢
幾閒相伴古詩書
龍門合傳無須讀
比似伊周遠遜諸

題晏子祠

枕股寧稱見義為妻蛇以出賴工辭史遷偏有執鞭慕
解贖應懷石父知

嘗謂莊公之事晏嬰成禮而出史遷比之見義而為
非正論也且晏嬰獨非齊卿乎既為卿雖不必以身
殉無道之君獨不當討為逆之臣耶乃游移其辭尚
自託於義而委蛇以退此寧可比於明哲保身之道
哉審如是則孔子之請討陳恒反為不當乎史遷無

卓識且毀譽背經者多矣茲因過祠詠古特申其義
至於執鞭之羨益覺卑鄙蓋史遷悲已之陷罪無赦
者耳而司馬貞索隱謂之好賢樂善後世熱中標榜
者流率由斯道祇可鄙無可法也

麥色

麥色吐青微紐芽初發機看憐塵土翳為望雪花霏冷
釀心猶慮雨佳時又非籌農展轉意不識竟何依

閱本

部章過節郵傳至

每間兩日京中封奏一至過節間印則並有閣部本章

秉燭羶

廬悉處分吏治民生慎幾勅法官蹕路敢殊勤黜雖敗
類心先愧登得賢材意輒欣少讀魯論記提要曰難惟
是惕為君

四依

皇祖南巡過濟南韻

四度濟南不入城恐防一入百悲生春三月昔分偏劇
十七年過恨未平排遣閒情歷村墅殷勤正務祝寧盈

明朝便近方山駐秀色遙看雲表橫

靈岩寺再疊前韻

烟霞朝暮傳心印泉石古今愜性靈不二殿傍法松鬱
摩頂松相傳元奘植成雙門外剎竿亭風來簷角虛鈴語春入山
根新水淨此是色空無著處作麼更覓梵王形

再題靈岩寺八景

巢鶴巖

瑞跡原因法定開胎仙那識去今來層岩或見戔戔者

莫認當年丁令迴

甘露亭

一例回回山下泉名稱甘露豈徒然
法王解灌羣生頂會否原來在汝邊

卓錫泉

泉如為所錫為能有卓應非最上乘
藉問阿誰留此蹟依稀云是佛圖澄

摩頂松

法師西域返關中弘福譯經闡梵風何涉殿旁摩頂樹
真成野語述齊東

鐵架裝

鑄鐘鼎就架裝就孰是幻兮孰是常或曰石堅如鐵耳
難持一切問榮將

白雲洞

昔年迴蹕憶登峯疑見仙人馭鹿踪春晚尚寒且無暇
白雲洞口任他封

雨花巖

弗隨冬謝逐春芳
滿意清涼滿鼻香
更不分疏著與否
較於天女散猶強

愛山樓

高低七景圍山寺
獨喜書樓在小園
更不安名徵故事
包涵無盡意中存

方山歌

久行廣甸思見山
侵尋行入衆山裏
行山未若宿山逸

宿山況是山最美山方宛似碧玉符帝付東皇俾掌此
熊熊爽爽鎮齊疆蘊寫靈泉為玉水是時峯頂春雲起
零雲黶黶流成綺羃松鋪谷下有無巖齊響像難容擬
為霖信好雪亦佳麥壠崇朝潤千里

駐驛方山再疊前韻

南北靈岩若合符一般佛字足遨娛由來在此即言此
何必分區有定區計里而行堪駐矣聞齋以待豈宜乎
壁間相映朗公石却是前巡手自圖

賜河東總河李宏

南河久董役

李宏在南河最久由徵員滿至淮徐河道

北省特掄英試小將

投大惟明更要誠固隄綏禹甸輸漕達燕京

河東總督兼管山東

運河諸務谷度久安計寧徒扈蹕行

望

岱廟有作

翁河喬嶽例馳香告

祀涓辰遣太常詎止一時修故典都緣萬姓籲

欽定四庫全書

欽定南巡盛典

明慶配

天作鎮欽

神德

廟中
扁曰配

皇祖御書
天作鎮

與地無疆祝

懿祥漢栢輪嘉蔭下春風曾憶小徜徉

過泰山七依

皇祖詩韻

祇合登山小天下便當觀海卷源頭已看嶽嶽雲霞俯
未了青青齊魯浮嶺別陰陽分作郡星明角亢照為州

逮今六度賡

元韻為有峯巔

聖蹟留

大嶺隆崇自泰漢衆峯拱揖若駢頭
春朝又覩神霄矗
佳氣忽來馬首浮憶昔

豫遊臻上界至今樂利遍東州
千秋欲問登臨者幾箇能
如杜句留

四賢祠行館作

平陽弗愧先生席

復孫

守道願居弟子行

介石

原魯雅欽曾

造第

孔道輔

翼之不合竟同堂

胡環

威儀一代巾將履俎豆

千秋梓與桑何必於傍行館築斯之未信祇傍徨

過汶河

水解中流細春風兩岸高原山派亘野濟水會資潯麗
日虹翻影輕風穀不濤黔黎迎蹕路情更切前遭

至泉林三疊舊作韻

一山陪尾又負尾紀載從來艱確明按轡早知行館近

駐旌剛值晚春晴所佳東國羣黎樸已有南江大吏迎
四度

安輿奉遊豫同民翹首祝

釐情

橫雲館裏忘機坐

橫雲館為泉林八景之一

那是前過

平聲

及此來最

愛林泉若相候且欣甌研與為陪子云逝者如斯耳回
嘆末由也已哉觸目多成慙愧處敢從勝境恣徬徊

賜山東巡撫崔應階及屬吏食并詩以示志

駐輦有餘暇賜餐聊示恩法庶誠吏本衣食亦民源要
以聯堂陞勞哉扈輶軒樸齋供信宿華飾戒從繁

四題泉林行宮八景

近聖居

泉林豈是泛林泉聖蹟昭如雲漢懸雖未奠芹臨曲阜
西瞻近矣倍顯然

在川處

靈淙乳竇泗之源川上宣尼昔有言逝者如斯恒不舍

如斯不逝亦恒存

鏡瀾榭

鏡空弗設妍媸見照者妍媸自彼身設向周書尋切已
不於斯監要於民

橫雲館

靈鏡由來迺出羣山嵐川靄相入聲入氤氲澤民解作東郊雨

龍井那誇一片雲

九曲釣

板橋几轉接溪涯
溪裏新蒲發凍芽
屨步莫嫌頻中矩
越因曲折致偏佳

柳烟坡

窄地柔絲若弗勝
雅宜澹蕩晚烟凝
協時祇合觀生意
王氏詩情底用稱

古蔭堂

鬱蔥古杞盤嘉蔭
翠覆書堂甌研閒
致我覃然集遙思
去聲安能揖讓見其間

紅雨亭

昌條春曉未敷榮
神解還因靜賞生
既有芳菲須爛漫
曾非想像漫題名

望蒙山三疊舊韻

將謂其雱昔歲同

前三度經此
皆遇雪有詩

不期孤望此行中山姿

雖是分明見
麥色偏憐塵土蒙
晷畫懶看平野景
吹雲厭作落崖風
亦知遇閏遲節令
及早心希利穡功

萬松山駐驛

前巡停蹕茲駐蹕為

去聲

愛蒼松欲久陪白月喜於踈處

度清風時自杪間來小軒早是臨高置懸牖偏宜向遠

聞我本不希學仙者而何遊涉宛蓬萊

檀廬夜雨

二月初五日

雲陰使思雪獲否尚疑然何幸逢春雨真資潤大田披
寒一廬永聽響半宵連為想明朝路芳郊景異前

晴四首

曉烟輕泮欲開晴潤浥東郊啟蹕旌三寸已霑不致濇

農夫行路兩怡情

麥隴南來已發青
香含宿雨濕溟溟
愛他平野珠光綴
日照風翻無定形

似此春霖遇豈多
老農村外笑婆婆
傳宣大吏馳郵問
迤北霑膏究若何

雨潤日暄恰適宜
柳條黃染露珠垂
分明一段江南景
借與人間二六時

明日即入
江南境

郊子園疊舊作韻

茲尚程郊境昔猶少啤墟鳥官答問遠塗蓋論傾餘述
古真班爾居今又駐予數間雖樸若一宿豈煩諸苔砌
訝如許芸編伴所於摘吟排日有石史可同書



欽定南巡盛典卷十一